

## Қалб қандай рўза тутиши мумкин?

05:00 / 14.01.2017 3040

Аллоҳ таоло марҳамат қилади:

نَبَاغَتِ الْجَا {11} مِيْلَعِ عَيْشٍ لِّكَبُّهُ لَلْأَوْهَبُ لَقَدْ هَيَّءَ لَلْأَبْنِ مُمُؤَيِّنًا وَمَوْ

**“Кимки имон келтирса, у унинг қалбини тўғри йўлга ҳидоят қилур. Аллоҳ ҳар нарсани билувчидир”. (Тағобун: 11)**

Қалбнинг ҳидоятланиши бу барча ҳидоятнинг пойдевори, барча муваффақиятнинг асоси, барча умрнинг таянчи ҳамда барча ишнинг негизи ҳисобланади.

Нўъмон ибн Башир розияллоҳу анҳу ривоят қилган ҳадиснинг охирида: Набий алайҳис салом:

دَسَفٌ تَدَسَفٌ إِذْ وَأَوْهَلُكَ دَسَجَلٌ حَلَصٌ تَحَلَصٌ إِذْ غَضُمٌ دَسَجَلٌ يَفْنُ إِوَالٌ أَبْلَقُ لَأَيَّوَالٌ

**“Огоҳ бўлинглар! Ҳамманинг жисмида бир бўлак гўшт бўлади. Агар у салоҳиятли бўлса, бутун жасад салоҳиятли бўлади. Агар у фасод (айниса, яроқсиз) бўлиб қолса, бутун жасад фасодли бўлади. Огоҳ бўлинг у қалбдир”, дедилар.**

Қалбингизни салоҳиятли бўлиши бу дунё ва охирада сизнинг саодатингиздир. Унинг фасод бўлиши аниқ ҳалокат бўлиб, унинг қай даражада ҳалокатга юз тутишини ёлғиз Аллоҳ билади. Аллоҳ таоло айтади:

(37) دِيَّهَسَ وَهَوَّ عَمَّسَلِ إِقْلَأْ وَأَبْلَقُ هَلْ نَأَكْ نَمَلِ يَرْكُدَلْ لَدِيَّ فَنِّ





يَبَأُ عَنْ شَمْعِ أَلِ نَع صَوْحِ أَلِ وَبَأُ أَنْ تَدْحَ لِقَ عِيْبِ رَلِ نَبْ نَسْحِ لِ أَنْ تَدْحَ  
مَلْسِ وَ هِي لَعِ هَلِ لِي صِيْبِ نَلِ نَاكَ : لِقَ سَنَأُ نَع دِيْزِي وَ نَايْفِ سِ  
كَ نِيْدِ يَلَعِ يَبَلِقُ تَبْتُ بَوْلِقِ لِقَ بَلِقِ مِ أَي مَهَلِ لِقَ لَوْ قِي نَأُ رَثْ كِي

Анас розияллоҳу анҳу айтадилар: “Расулуллоҳ соллаллоҳу алайҳи ва саллам: “Эй қалбларни айлантирувчи Зот, қалбимни Ўз динингда собит қил”, деб кўп дуо қилардилар”. (Имом Бухорий ривояти).

Мўминнинг қалби нафақат рамазон ойида балки, бошқа ойларда ҳам рўза тутати. Қалб қандай рўза тутиши мумкин?..

Қалбнинг рўза тутиши бу қалбнинг ҳалок қилувчи ширк амаллардан, бузуқ эътиқоддан, ёмон васвасадан, ёвуз, жирканчли ниятлардан ҳамда ғамга ботган лаҳзалардан фориғ бўлишидир.

Мўминнинг қалби доимо Аллоҳ таолога бўлган муҳаббат ила тирик туради. Аллоҳ таоло Қуръони каримда қандай Ўзини сифатлаган бўлса, бу қалб Роббисини, худди шундай исми-сифатлари билан танийди. Бу қалб ақл кўзи билан Роббисининг исми-сифатлари сатрларини, Аллоҳ таолонинг бу борлиқдаги қудрати саҳифаларини мутолаа қилади. Ҳамда Ул зотнинг махлуқотларни яратиши борасидаги дафтарларни ўқийди.

Мўминнинг қалбида зулматлик қолдирмайдиган ёрқин нури бўлади. Бу нур пайғамбардан, самовий таълимотлардан ҳамда раббоний шариъатдан бўлган нурдир. Ушбу нур Аллоҳ таоло бандасига ато қилган фитрат нурига қўшилиш натижасида иккита улкан нурга айланади. Қуръони каримда ушбу мазмунда оят бор:

سَأْنَلَلِ لَآئِمٌ أَلِ هَلِ لِي بَرُضِي وَ ءَأَشِي نَمِ وَ رُونُ لُ هَلِ لِي دِيْهِي رُونُ يَلَعِ رُونُ  
رُونِ لِ {35} مِي لَعِ عِي شَلْ كُبُ هَلِ لِي وَ

**“Нур устига нур (бўлур). Аллоҳ ўзининг (бу) нурига ўзи хоҳлаган кишиларни ҳидоят қилур. Аллоҳ одамлар (ибрат олишлари) учун (мана шундай) масалларни келтирур. Аллоҳ барча нарсани билувчидир”.** (Нур: 35).

Мўминнинг қалби чироқ каби чарақлайди, қуёш каби нур сочади, тонг каби ярақлайди.

Мўмин қалбининг Қуръони каримни эшитиши ила имон нури, тафаккур қилиши ила ишончи ҳамда атроф-муҳитга ибрат назари билан боқиши ила ҳидояти зиёдалашади.

Мўминнинг қалби кибр қилишдан рўза тутади. Чунки кибр - қалб рўзасини бузади. Шунинг учун ҳам кибр мўминнинг қалбидан жой олмайди. Чунки у ҳаромдир. Аслида эса кибрнинг манзил қилиб оладиган жойи қалб ҳисобланади. Мабодо кибр қалбдан жой олса, бу қалб эгаси эси паст аҳмоққа, ваҳший ҳайвонга айланади. Абу Ҳурайра розияллоҳу анҳудан ривоят қилинган ҳадиси қудсийда Аллоҳ субҳанаҳу ва таоло шундай дейди:

أَدْحَاوِيْنَ عَزَانٌ نَمَفٌ رَارَاؤُهُ مَطْعَلُ أَوْ أَدْرُءَايَرْبِ كَلِّ الْجَوِّ وَعُجْلُ الْجَلَالِ  
رَأْنَالِي فُتُّ فَدَقَ أُمُّهُ نَمَ.

**“Кибрлилик менинг ридомдир. Улуғворлик менинг изоримдир. Ким шулардан бирортасини мендан тортиб олмоқчи бўлса, уни жаҳаннамга улоқтираман”.**

Мўминнинг қалби ужубдан рўза тутади. Ужуб – инсон ўз нафсини комил бўлди деб тасаввур қилиши, ўзини бошқалардан афзал кўриши ва ўзида бошқаларда бўлмаган яхшиликлар бор деб ўйлаши. Бу эса айни ҳалокатнинг ўзидир. Анас ибн Моликдан ривоят қилинган ҳадисда Расулulloҳ соллаллоҳу алайҳи ва саллам айтадилар:

تَاكْلُهُمْ ثَالِثُ مَلَسٍ وَهِيَ لَعْلَالُ صِلَى بِنَالٍ نَعْلَامٌ نَبَسْنَا نَع  
ءَالِخَالٍ نَمَسْفَنَبْءَرْمَالِ بَاغَاوَعْبَتْمِ وَيُوهُوَ عَاطَمُ حَش

“Учта ҳалок қиладиган нарса бор: 1. Итоат қилинадиган бахиллик. 2. Эргашиладиган ҳавойи нафс. 3. Инсоннинг кибр туфайли ўз-ўзидан ажабланиши”.

Бу ужубланиш касаллигининг даъвоси – инсон ўз айбига, кўплаб камчиликларига, унутиб қўйган минглаб ёмонликлари-ю хатоларига назар ташламоғи. Шунингдек, бу нарсаларнинг Роббиси ҳузурдаги ҳеч ҳам ёзишликда адашмайдиган ва унутиб ҳам қўймайдиган китобда сақланиб турганини ҳис қилмоғи.

Мўминнинг қалби ҳасад қилишдан рўза тутди. Чунки ҳасад инсоннинг солиҳ амалларини беҳудага суворади. Унинг қалбидаги нурини ўчиради. Ҳамда доимо Аллоҳ сари қиладиган сай-ҳаракатларини пучга чиқаради. Аллоҳ таоло “Нисо” сурасининг 54 оятида шундай мазмунда марҳамат қилади:

**(54) وَلَوْ ضَفَّ نَوْمٌ لَّالْمُؤْمِنَاتِ أَمَّ يَلَعَسَ الْإِنْسَانُ لِأَنَّهُ وَدَسَّ حَيْ مَ أ**

**“Ёки Аллоҳ ўз фазлидан берган неъматлари учун одамларга ҳасад қиладиларми?”.**

Абу Ҳурайра розияллоҳу анҳудан ривоят қилинган ҳадисда Набий алайҳис салом:

**ال : لَاق ، م لسو ه يل ع هل ل ل ل ص ل ل ل ل ل و س ر ن أ ، ة ز ي ر ه ي ب أ ن ع  
م ك ض ع ب ء ي ب ي ال و ، ا و ر ب ا د ت ال و ا و ش ح ا ن ت ال و ، ا و ض ع ا ب ت ال و ا و د س ا ح ت  
... ض ع ب ي ل ع**

“Бир-бирларингизга ҳасад қилманглар. Бир-бирларингизни ёмон кўрманг. Ўзаро тортишманглар. Бир-бирларингизга душманчилик қилманг. Бирларингиз бошқа бирларингизнинг савдоси устидан савдо қилмасин”, деб айтдилар.

Расулуллоҳ соллаллоҳу алайҳи ва саллам саҳобаридан бир кишини уч бор жаннат аҳлидан эканининг хабарини бердилар. Шунда анашу кишидан: “Нима туфайли жаннатга кирасиз”, деб сўралганида, у киши: “Мен қалбимда бирор мусулмонга нисбатан ҳасад ё гина-адоват ё ғилли-ғашлик бўлмаган ҳолимда тунайман”, деб жавоб берган эканлар.

Аллоҳ таолога муқарраб бўлган орифум биллоҳларнинг қалблари каби рўза тутадиган қалб борми ўзи?

Орифум биллоҳларнинг рўза тутишларида

Оламлар Роббисига жуда қаттиқ муштоқлик бордир.

Ҳар лаҳзада рўзадир қалблари,

Истифорга тўладир саҳарлари.

Аллоҳим барчаларимизни Сиротум мустақимингга бошлагин. Эй оламлар Роббиси бизларни имонда собит қилгин! Амийн!.

***Ғиёсиддин Ҳабибуллоҳ***